



<b>UPRAVA DRUŠTVIA</b>	Strana: 1 od 2
Broj protokola: 02-1-04-7-1198-31/20	JAVNO

**Datum:** 03.04.2020. god.

Na osnovu čl. 69. stav (2) tačka d) i čl. 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za provođenje postupka javne nabavke robe: Sukcesivna isporuka medicinskih rukavica i hirurških maski, imenovane Rješenjem broj: 02-1-04-7-1198-11/20 od 11.03.2020. god., Uprava J.P. Međunarodni aerodrom "SARAJEVO" d.o.o. Sarajevo postupajući u skladu sa članom 6. Poslovnika o radu Uprave, dana 03.04.2020. god., donosi

## ODLUKU

### I

Poništava se postupak nabavke robe: Sukcesivna isporuka medicinskih rukavica i hirurških maski, proveden metodom nabavke Pregovarački postupak bez objavljivanja obavještenja o nabavci, jer nijedna od primljenih ponuda nije prihvatljiva.

### II

Naručilac će, nakon protoka rokova za reviziju pokrenuti novi postupak nabavke robe iz tačke I ove Odluke, istim metodom.

### III

Komisija za provođenje novog postupka predmetne nabavke, biće utvrđena/imenovana naknadno, posebnim rješenjem.

## Obrazloženje

Postupajući u skladu sa čl. 17. i 18. Zakona o javnim nabavkama, a u cilju izbora najpovoljnije ponude za nabavku robe: Sukcesivna isporuka medicinskih rukavica i hirurških maski, proveden metodom nabavke Konkurentski zahtjev, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-1198-5/20 od 10.03.2020. god., a Rješenjem broj: 02-1-04-7-1198-11/20 od 11.03.2020. god., imenovao Komisiju za provođenje postupka nabavke.

Naručilac je, postupajući u skladu sa naprijed navedenom Odlukom, uputio poziv za dostavu kvalifikacionih dokumenata i komercijalne ponude potrebnih za provođenje procedure Pregovaračkog postupka bez objavljivanja obavještenja o nabavci, odnosno poziv na pregovore, na adresu više potencijalnih ponuđača, i to: JU APOTEKE d.o.o. Sarajevo, PZU AL – HANA d.o.o. Sarajevo, PA MYMEDICO d.o.o. Sarajevo i R&S d.o.o. Sarajevo.

Do ostavljenog roka za predaju kvalifikacionih dokumenata i komercijalne ponude, 24.03.2020. god., samo je jedan pozvani ponuđač, i to: R&S d.o.o. Sarajevo, dostavio svoju inicijalnu ponudu, koja je zavedena na protokol Naručioca pod brojem: 09-04-7-1198-22/20 od 24.03.2020. god.

Na javnom otvaranju ponude, koje je održano isti dan u 10:15 sati, bez prisustva predstavnika ponuđača, pročitana je naziv ponuđača i ponuđena cijena za naprijed navedenu robu.

Vrsta dok.	Izdavač
<b>ODL</b>	<b>01-3</b>
Strana: 2 od 2	
JAVNO	

Nakon javnog otvaranja ponude, Komisija je izvršila uvid u spisak kvalifikacionih dokumenata i konstatovala da ovaj ponuđač nije dostavio ponudu u skladu sa pozivom na pregovore. Konstatovano je da je ponuđač dostavio Izjave po članu 45. i 52., koje nije ovjerio kod nadležnog organa, i nije priložio tehničku dokumentaciju za tražene artikle kako je to zahtijevano tenderskom dokumentacijom, zbog čega se nije moglo utvrditi da se radi o traženim artiklima.

Imajući u vidu naprijed navedeno, Komisija je ovu ponudu ocijenila formalno – pravno i tehnički neispravnom i neprihvatljivom za Naručioca.

S obzirom na naprijed navedeno, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se poništi postupak nabavke predmetne robe te ponovi istom metodom – Pregovarački postupak.

Uprava J.P. Međunarodni aerodrom "SARAJEVO" d.o.o. Sarajevo razmotrila je preporuku Komisije, te je istu prihvatila i postupajući u skladu sa članom 6. stav (4) Poslovnika o radu Uprave J.P. Međunarodni aerodrom "SARAJEVO" d.o.o. Sarajevo, izjašnjavanjem putem elektronske pošte, dana 03.04.2020. god., i na osnovu člana 69. stav (2) tačka d) Zakona o javnim nabavkama ocijenila da su se ispunili uslovi za poništenje postupka nabavke predmetne robe i donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

**DIREKTOR**  
Armin Kajmaković



Prilog: Zapisnik o pregledu i ocjeni ponude

**DOSTAVLJENO:**

1. Ponuđaču
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a